




LE GOUVERNEMENT
DU GRAND-DUCHÉ DE LUXEMBOURG
Ministère du Travail

Réponse du ministre du Travail à la question parlementaire n° 253 de Monsieur le Député André Bauler

Ad. 1

Fir d'Evolutioun vum Chômage an deene viséierte Secteuren ze analyséieren (Immobilier a Bau), baséiert d'ADEM sech op déi representativst Métiers ROME¹, d'Codes C15 fir den Immobilier an F fir de Bau.


Op den 31/12/2023 loung d'Zuel vun den Aarbechtssichenden (Residents disponibles), deenen hiren éischten enregistréierte Métier engem vun de Métiers ROME vum Immobilier (Code ROME C15) entsprécht, bei 156, also eng Steigerung vu 54,5% par rapport zum 31/12/2022. Op d'ganzt Joer 2023 gekuckt ass d'Evolutioun vun der Zuel vun den Aarbechtssichenden déi follgend :



Op den 31/12/2023 loung d'Zuel vun den Aarbechtssichenden (Residents disponibles), deenen hiren éischten enregistréierten Métier engem vun de Métiers ROME vum Bau (Code ROME F) entsprécht, bei 1.778, also eng Steigerung vun 33,8% par rapport zum 31/12/2022. Op d'ganzt Joer 2023 gekuckt ass d'Evolutioun vun der Zuel vun den Aarbechtssichenden déi follgend :


¹ Le Répertoire Opérationnel des Métiers et des Emplois ass eng Cartographie vun all de Métiers existants, regroupéiert no Domaine d'activité. All Appellation métier entsprécht engem Ensemble vu Kompetenzen déi ee muss hunn a vun Aktivitéiten déi ee muss ëmsetzen fir deen Métier ze exercéieren.

Méi Détailler dozou fënnt een um portail [Consulter le référentiel Rome - Employeurs - ADEM - FACILITONS L'EMPLOI - Luxembourg \(public.lu\)](https://public.lu/adem)




Wann een dat nach méi detailléiert, gesäit een a wéi enge Métieren vum Bau déi 1.778 Aarbechtssichend enregistreiert sinn:

Situation au 31/12/2023



D'Aarbechtssichend sinn zu bal gläichen Deeler enregistreiert an de Métieren vum gros oeuvre a vum second oeuvre (respektiv 41% an 40%), an 11% sinn enregistreiert an de Métiers Conception an Etudes.

Evolution vum der Zuel vun den Aarbechtssichenden deenen hiren éischten enregistrierte Métier dem Code ROME F17 travaux an gros œuvre entsprécht (2023)



Op den 31/12/2023 ass d'Zuel vun den Aarbechtssichenden (726) ëm 23,5% par rapport zum 31/12/2022 geklommen.

Evolution vum der Zuel vun den Aarbechtssichenden deenen hiren éischten enregistrierte Métier dem Code ROME F16 second œuvre entsprécht (2023)



Op den 31/12/2023 ass d'Zuel vun den Aarbechtssichenden (707) ëm 44.9% par rapport zum 31/12/2022 geklommen.

Evolution von der Zahl von den Aarbechtssichenden deenen hiren éischten enregistrierte Métier dem Code ROME F11 Conception an Etudes entsprécht (2023)




Op den 31/12/2023 ass d'Zuel von den Aarbechtssichenden (190) ëm 28,4% par rapport zum 31/12/2022 geklommen.

En parallèle ass d'Evolution von de fräie Plazen déi 2023 bei der ADEM gemellt gi sinn an den 2 Grafiken hei ënnendrënner opgezeechent. D'Evolution gëtt analyséiert op Basis von de Secteurs NACE (all Métier).

Evolution von den Déclarations de postes – 2023


Secteur NACE L Activités Immobilières



Nom Op an Of am 1. Semester koum eng signifikant Baisse von den oppene, gemellte Plazen vum Oktober 2023 un.

Evolution vun den Déclarations de postes – 2023

Secteur NACE F Construction



Mat Ausnam vu ganz liichte Steigerungen am August an am Oktober, ass d’Baisse vun den déklaréierten, oppenen Plazen kontinuierlech zanter Mäerz 2023.

Ad. 2

D’ADEM moosst och den ‘taux de sortie’ an d’Aarbecht. Eng Clôture vum Dossier gëtt comptabiliséiert als ‘sortie vers l’emploi’ wann d’Persoun an den 3 Méint no hirer Clôture vum Dossier bei engem Employeur zu Lëtzebuerg affiliéiert ass (laut den Donneeë vum Centre Commun de la Sécurité Sociale). Déi Leit déi net zu Lëtzebuerg schaffen an déi, déi am Interim oder an engem CDD ufänken an no 3 Méint net/net méi schaffen, sinn net an deem Taux dran.

Fir 2023 (Januar bis September), läit den Taux de sortie an d’Aarbecht bei 45%. D’Sorties vers l’emploi sinn haaptsächlech an d’Secteurs vun der Horeca, den administrative Services, de Secteur ‘de soutien’ (Botzfirmen), vum Commerce a vun der Constructioun.

‘Sortie vers l’emploi’ (Januar - Septembre 2023) – Haaptbetreffen Secteurs NACE



9% vun de ‘retours à l’emploi’ betreffen de Secteur vun der Constructioun an 1,2% dee vum Immobilier.

Ad. 3

All d'Aarbechtssichender déi bei der ADEM ageschriwwen an op der Sich no Aarbecht sinn, kommen a Fro fir vun de Formatiounen ze profitéieren déi d'ADEM an hir Partner ubidden an si kënnen och, ënnert verschiddene Konditiounen, vun enger sougenannter 'aide à la formation professionnelle' profitéieren. D'Zil ass hir Employabilitéit ze developpéieren an hinnen ze erméiglechen esou séier wéi méiglech nees op den Aarbechtsmaart zeréckzekommen. 2023 hunn 5.143 verschidden Aarbechtssichender 6.062 Formatioune matgemaach.

Aarbechtssichender déi virdrun an de Secteuren vum Immobilier a vun der Constructioun geschafft hunn, kënnen Formatioune proposéiert kréien am Beräich vun der professioneller (Re)Orientatioun déi sech op d'Redefinitioun vum professionnelle Projet konzentréieren am Zesummenhang mat den aktuelle Besoinen vum Aarbechtsmaart. Dës Formatioune sinn oft e Startpunkt fir ze bestëmmen ob en Aarbechtssichenden e Parcours vum Upskilling kann ufänke fir seng Kompetenzen ze verbesseren op Basis vu senger Experienz an änlech Poste ka viséieren an deem nämlechte Secteur oder engem aneren, oder ob hie soll e Reskilling maache fir nei Kompetenzen ze léieren en vue vun enger Reconversion/Requalificatioun fir en neie Beruff oder e neie Secteur ze integréieren. Déi Aarbechtssichend déi bis elo an de Secteuren vum Bau an dem Immobilier geschafft hunn, kënnen vum Programm Skills4Job profitéieren, e spezifeschen Up- a Reskillingprogramm vun den techneschen an transversales Kompetenzen. Sie kënnen och vu sectorielle Formatioune profitéieren oder sech och, via d'Mesure vun der Aide à la formation, aschreiw fir Formatiounen um nationale Portail vun der Formation continue.

Et sinn och Formatioune sur mesure vun der ADEM a hire sektorielle Partner developpéiert ginn am Zesummenhang mat spezifesche Métieren vum Secteur vum Bau : zum Beispill tëscht 2021 an 2023, de Projet « Build your future ». Dëse Projet sollt Leit déi bei der ADEM ageschriwwe sinn, an de Métieren wéi Façadier, Maçon oder och nach Coffreur-Bancheur forméieren.

Luxembourg, le 28 février 2024

(s.) Georges MISCHO
Ministre du Travail